

唐文治 編纂

上海人民出版社

十三經讀本

第六冊

孟子

十三經讀本評點劄記

唐文治 編纂

上海人民出版社

十三經讀本

第六冊

孟子
十三經讀本評點劄記

图书在版编目 (CIP) 数据

十三经读本/唐文治编纂. —上海: 上海人民出版社, 2015

ISBN 978 - 7 - 208 - 13078 - 4

I. ①十… II. ①唐… III. ①经学②《十三经》—注释 IV. ①Z126.2

中国版本图书馆 CIP 数据核字 (2015) 第 134264 号

责任编辑 张钰翰

封面设计 甘晓培

十三經讀本

唐文治 編纂

世紀出版集團

上海人民出版社 出版

(200001 上海福建中路 193 號 www.ewen.co)

世紀出版集團發行中心發行 金壇市古籍印刷廠有限公司印刷


開本 787 × 1092 1/16 印張 265 插頁 24 字數 4000,000

2015 年 7 月第 1 版 2015 年 7 月第 1 次印刷

ISBN 978 - 7 - 208 - 13078 - 4/B · 1124

定價 1800.00 圓

(全六冊)



孟子

朱熹集注序說

史記列傳曰孟軻趙氏曰孟子魯公族孟孫之後騶人也騶亦作鄒受業子思之門人子思孔子之孫名伋索隱云王劭以人為衍字而趙氏注及孔叢子等書亦皆云孟子親受業於子思未知是否道既通趙氏曰孟子曰孟子通五經尤長於詩書程子以久則久可以速則速孔子聖之時者也故知易者莫如孟子又曰王者之迹熄而詩亡詩亡然後春秋作又曰春秋無義戰又曰春秋天子之事故知春秋者莫如孟子尹氏曰以此而言則趙氏謂孟子長於詩游事齊宣王宣王不能書而已豈知孟子者哉

孟子讀本序說

一

用適梁梁惠王不果所言則見以為迂遠而闊於事情按史記梁惠王三十五年乙酉孟子始至梁其後二十三年當齊湣王之十年丁未齊人伐燕而孟子在齊故古史謂孟子先事齊宣王後乃見梁惠王襄王齊湣王獨孟子以伐燕為宣王時事與史記荀子等書皆不合而通鑑以伐燕之歲為宣王十九年則是孟子先游梁而後至齊見宣王矣然當是之時秦用商鞅楚魏用吳起齊用孫子田忌天下方務於合從連衡以攻伐為賢而孟軻乃述唐虞三代之德是以所如者不合退而與萬章之徒序

詩書述仲尼之意作孟子七篇趙氏曰凡二百四十六百八十五字韓子曰孟軻之書非軻自著軻既沒其徒萬章公孫丑相與記軻所言焉耳愚按二說不同史記近是

韓子曰堯以是傳之舜舜以是傳之禹禹以是傳之湯湯以是傳之文武周公文武周公傳之孔子孔子傳之孟軻軻之死不得其傳焉荀與楊也擇焉而不精語焉而不詳程子曰韓子此語非鑿空撰得出必有所見若無所見不知言所傳者何事○又曰孟氏醇乎

孟子讀本序說

二

醇者也苟與楊大醇而小疵程子曰韓子論孟子意亦道不到其論荀楊則非也荀子極偏駁只一句性惡大本已失楊子雖少過然亦不識性更說○又曰孔子之道大而能博門弟子不能徧觀而盡識也故學焉而皆得其性之所近其後離散分處諸侯之國又各以其所能授弟子源遠而末益分惟孟軻師子思而子思之學出於曾子自孔子沒獨孟軻氏之傳得其宗故求觀聖人之道者必自孟子始程子曰孔子言參也魯然顏子

沒後終得聖人之道者曾子也。觀其啟手足時之言，可以見矣。所傳者子思、孟子，皆其學也。

○又曰：楊子雲曰：古者楊墨塞路，孟子辭而闢之，廓如也。夫楊墨行，正道廢，孟子雖賢聖，不得位，空言無施，雖切何補？然賴其言而今之學者，尙知宗孔氏、崇仁義、貴王賤霸而已。其大經大法皆亡滅而不救，壞爛而不收，所謂存十一於千百，安在其能廓如也？然向無孟氏，則皆服左衽而言侏離矣。故愈嘗推尊孟氏以爲功不在

孟子讀本 序說

三

禹下者爲此也。

或問於程子曰：孟子還可謂聖人否？程子曰：未敢

便道他是聖人。然學已到至處，愚按至字恐當作聖字。○

程子又曰：孟子有功於聖門，不可勝言。仲尼只

說一箇仁字，孟子開口便說仁義。仲尼只說一

箇志，孟子便說許多養氣出來。只此二字，其功

甚多。○又曰：孟子有大功於世，以其言性善也。

○又曰：孟子性善養氣之論，皆前聖所未發。○

又曰：學者全要識時。若不識時，不足以言學。顏

子陋巷自樂，以有孔子在焉。若孟子之時，世既

無人，安可不以道自任？○又曰：孟子有些英氣，

才有英氣，便有圭角。英氣甚害事，如顏子便渾

厚不同。顏子去聖人只毫髮間。孟子大賢亞聖

之次也。或曰：英氣見於甚處？曰：但以孔子之言

比之，便可見。且如冰與水精，非不光比之玉，自

是有溫潤含蓄氣象，無許多光耀也。

孟子讀本 序說

四

楊氏曰：孟子一書，只是要正人心，教人存心養性，

收其放心。至論仁義禮智，則以惻隱羞惡辭讓

是非之心爲之端。論邪說之害，則曰：生於其心，

害於其政，論事君，則曰：格君心之非。一正君而

國定，千變萬化，只說從心上來。人能正心，則事

無足爲者矣。大學之脩身齊家治國平天下，其

本只是正心誠意而已。心得其正，然後知性之

善，故孟子遇人便道性善。歐陽永叔却言聖人

之教人性非所先可謂誤矣人性上不可添一
物堯舜所以爲萬世法亦是率性而已所謂率
性循天理是也外邊用計用數假饒立得功業
只是人欲之私與聖賢作處天地懸隔

孟子讀本卷一

朱子集注

後學施肇曾謹刊

梁惠王章句上凡七章

孟子見梁惠王曰梁惠王魏侯也都大梁僭稱王諡以招賢者而王曰叟不遠千里而來亦將有以利吾國乎梁長老之稱王所謂利蓋富國彊兵之類孟子對曰王何必曰利亦有仁義而已矣仁者心之德愛之理義者心之制事乃詳言之王曰何以利吾國大夫曰何以利吾家士後多放此

孟子讀本卷一 梁惠王上

一

庶人曰何以利吾身上下交征利而國危矣萬乘之國弑其君者必千乘之家千乘之國弑其君者必百乘之家萬取千焉千取百焉不為不多矣苟為後義而先利不奪不廢害以明上文何必曰利之意也征取也上取乎下下取乎上故曰交征國危謂將有弑奪之禍乘車數也萬乘之國者天子畿內地方千里出車萬乘千乘之家者天子之公卿采地方百里出車千乘也千乘之國諸侯之國百乘之家諸侯之大夫也弑下殺上也屢足也言臣之於君每十分而取其一分亦已多矣若又以義為後而以利為先則不弑其君而盡奪之其未有仁而遺其親者也未有義心未肯以為足也

而後其君者也此言仁義未嘗不利以明上文亦有仁義而無求利之心則其下化之自親戴於已也王亦曰仁義而已矣何必曰利重言之以結上文兩節於人心之固有天理之公也利心生於物我之相形人欲之私也循天理則不求利而自無不利徇人欲則求利未得而害已隨之所謂毫釐之差千里之繆此孟子之書所以造端託始之深意學者所宜精察而明辨也○太史公曰余讀孟子書至梁惠王問何以利吾國未嘗不廢書而歎也曰嗟乎利誠亂之始也夫子罕言利常防其源也故曰放於利而行多怨自天子以至庶人好利之弊何以異哉○程子曰君子未嘗不欲利但專以利為心則有害惟仁義則不求利而未嘗不利也當是之時天下之人惟利是

孟子讀本卷一 梁惠王上

二

求而不復知有仁義故孟子言仁義而不言利所以拔本塞源而救其弊此聖賢之心也○孟子見梁惠王王立於沼上顧鴻鴈麋鹿曰賢者亦樂此乎樂音洛篇內同○沼池也孟子對曰賢者而後樂此不賢者雖有此不樂也此一章詩云經始靈臺經之營之庶民攻之不日成之經始勿亟庶民子來王在靈囿麋鹿攸伏鹿濯濯白鳥鶴鶴王在靈沼於物魚躍文王以民力為臺為沼而民歡樂之謂其臺曰靈臺謂其沼曰靈沼樂其有麋鹿魚鼈古之人與

民偕樂故能樂也。亟音棘。應音憂。鶴詩作鴛。戶角反。於音烏。此引詩而釋之以明賢者而後樂此之意。詩大雅靈臺之篇。經量度也。靈臺文王臺名也。營謀爲也。攻治也。不日不終日也。亟速也。言文王戒以勿亟也。子來如子來趨父事也。靈臺靈沼臺下有園囿中有沼也。鹿牝鹿也。伏安其所不驚動也。濯濯肥澤貌。鶴鶴潔白貌。於歎美辭。物滿也。孟子言文王雖用民力而民反歡樂之。既加以美名而樂其樂而文王亦得以享其樂也。湯誓曰。時日

害喪予及女偕亡。民欲與之偕亡。雖有臺池鳥獸。豈能獨樂哉。害音曷。喪去聲。女音汝。此引書而釋之。以明不賢者雖有此不樂之意也。湯誓商書篇名。時是也。日指夏桀害何也。桀嘗自言吾有天下如天之有日。日亡吾乃亡耳。民怨其虐。故因其自

孟子讀本 卷一 梁惠王上

三

言而目之曰。此日何時亡乎。若亡則我盍與之俱亡。盍欲其亡之甚也。孟子引此以明君獨樂而不卹其民。則民怨之而。不能保其樂也。○梁惠王曰。寡人之於國也。盡心焉耳矣。河內凶。則移其民於河東。移其粟於河內。河東凶亦然。察鄰國之政。無如寡人之用心者。鄰國之民不加少。寡人之民不加多。何也。寡人諸侯自稱言寡皆魏地。凶歲不熟也。移民以就食。德之人也。河內河東移粟以給其老稚之不能移者。孟子對曰。王好戰。請以戰喻。填然鼓之。兵刃既接。棄甲曳兵而走。或百步而後止。或五十步而後止。以五十步笑百步。則何

如曰。不可。直不百步耳。是亦走也。曰。王如知此。則無望民之多於鄰國也。好去聲。填音田。填鼓音也。兵以譬鄰國。不卹其民。惠王能行小惠。然皆不能行王道。以養其民。不可以此而笑彼也。楊氏曰。移民移粟荒政之所不廢也。然不能行先王不違農時。穀不可勝食也。數罟不入洿池。魚鼈不可勝食也。斧斤以時

入山林。材木不可勝用也。穀與魚鼈不可勝食。材木不可勝用。是使民養生喪死無憾也。養生喪死無憾。王道之始也。勝音升。數音促。罟音古。洿音烏。農時謂春耕夏耘秋收之時。凡有興作不違

孟子讀本 卷一 梁惠王上

四

此時至冬乃役之也。不可勝食。言多也。數罟也。罟網也。罟罟下之地。水所聚也。古者網罟必用四寸之目。魚不滿尺。市不得粥。人不得食。山林川澤與民共之。而有厲禁。草木零落。然後斧斤入焉。此皆爲治之初。法制未備。且因天地自然之利。而撙節愛養之事也。然飲食宮室。所以養生。祭祀棺槨。所以送死。皆民所急。而不可無者。今皆有以資之。則人無所恨。矣。王道以得民心爲本。故以此爲王道之始。五畝之宅。樹之以桑。五十者可以衣帛矣。雞豚狗彘之畜。無失其時。七十者可以食肉矣。百畝之田。勿奪其時。數口之家。可以無飢矣。謹庠序之教。申之以孝悌之義。頒白者不負戴於道路矣。七十者衣帛食肉。黎民不

侃不寒然而不王者未之有也衣去聲畜許六反數下者人稱之曰王則平聲據其身臨天下而言曰王則去聲後皆放此○五畝之宅一夫所受二畝半在田二畝半在邑田中不得有木恐妨五穀故於墻下植桑以供蠶事五十始衰非帛不煖未五十者不得衣也畜養也時謂孕字之時如孟春犧牲毋用牝之類也七十非肉不飽未七十者不得食也百畝之田亦一夫所受至此則經界正井地均無不受田之家矣庠序皆學名也申重也丁盜反覆之意善事父母為孝善事兄長為悌頌與斑同老人頭半白黑者也負任在背戴任在首夫民衣食不足則不暇治禮義而飽煖無教則又近於禽獸故既富而教以孝悌義人知愛親敬長而代其勞不使之負戴於道路矣衣帛食肉但言七十舉重以見輕也黎黑也黎民黑髮之人猶秦言黔首也少壯之人雖不得衣帛食肉然

孟子讀本卷一 梁惠王上

五

亦不至於飢寒也此言盡法制品節之詳極
財成輔相之道以左右民是王道之成也 狗彘食人食而不知檢塗有餓莩而不知發人死則曰非我也歲也是何異於刺人而殺之曰非我也兵也王無罪歲斯天下之民至焉李平表反刺七亦反○檢制也李餓死人也發發倉廩以振貸也歲謂歲之豐凶也惠王不能制民之產又使狗彘得以食人之食則與先王制度品節之意異矣至於民飢而死猶不知發則其所以移特民聞之粟而巳乃以民不加多歸罪於歲凶是知刃之殺人而不政操刀者之殺人也罪歲則必能自反而益脩其孟子之論王道不過如此可謂實矣又曰孔子之時周室雖微天下猶知尊周之為義故春秋以尊周為

本至孟子時七國爭雄天下不復知有周而生民之塗炭已極當是時諸侯能行王道則可以王矣此孟子所以勸齊梁之君也蓋王者天下之義主○梁惠也聖賢亦何心哉視天命之改與未改耳
王曰寡人願安承教承上章言願安意以受教孟子對曰殺人以挺與刃有以異乎曰無以異也挺徒頂反以刃與政有以異乎曰無以異也孟子又問曰庖有肥肉廄有肥馬民有飢色野有餓莩此率獸而食人也厚斂於禽獸而使民飢以死則獸相食且人惡之為民父母無異於驅獸以食人矣獸相食且人惡之為民父母行政不免於率獸而食人惡在其為民父母也惡之

孟子讀本卷一 梁惠王上

六

去聲惡在之惡平聲○君者民仲尼曰始作俑者其之父母也惡在猶言何在也
無後乎為其象人而用之也如之何其使斯民飢而死也俑音勇為去聲○俑從葬木偶人也古之葬者束草為人以為從衛謂之芻靈略似人形而已
中古易之以俑則有面目機發而太似人矣故孔子惡其不仁而言其必無後也孟子言此作俑者但用象人以葬孔子猶惡之況實使民飢而死乎○李氏曰為人君者固未嘗有率獸食人之心然徇一己之欲而不恤其民則其流必至於此故以為民父母告之夫父母之於子為之就利避害未嘗頃刻而忘於懷何至視之
不如犬馬乎○梁惠王曰晉國天下莫強焉叟之所知也及寡人之身東敗於齊長子死焉西喪地於秦

七百里南辱於楚，寡人恥之，願比死者一洒之。如之

何則可？長上聲，喪去聲，比必二反。洒與洗同。○魏本

晉故惠王猶自謂晉國，惠王三十年，齊擊魏破其軍，

又與楚將昭陽戰，敗亡其七邑。比，孟子對曰：「地方百

里而可以王。」百里小國也。然能行仁，王如施仁政於

民，省刑罰，薄稅斂，深耕易耨，壯者以暇日脩其孝悌，

忠信，入以事其父兄，出以事其長上，可使制梃以撻

秦楚之堅甲利兵矣。」省所梗反。斂易皆去聲。耨，奴豆反。長上聲。○省刑罰，薄稅斂，此

孟子讀本 卷一 梁惠王上 七

二者仁政之大目也。易治也，耨，耘也，盡己之謂忠，以

實之謂信，君行仁政，則民得盡力於農畝，而又有暇

日以脩禮義，是以尊君，彼奪其民時，使不得耕耨，以

親上而樂於效死也。彼奪其民時，使不得耕耨，以

養其父母，父母凍餓，兄弟妻子離散，謂敵國也。彼

陷溺其民，王往而征之，夫誰與王敵？夫音扶。○陷溺

暴虐之意，征正也。以彼暴虐其民，而率吾尊君親上

之民，往正其罪，彼民方怨其上，而樂歸於我，則誰與

我為？故曰：「仁者無敵。」王請勿疑。仁者無敵，蓋古語也。

恐王疑其迂闊，故勉使勿疑也。○孔氏曰：「惠王之志

在於報怨，孟子之論在於救民，所謂惟天吏則可以

伐之，蓋孟○孟子見梁襄王，襄王惠王子名赫，出語人曰：「望

之不似人君，就之而不見所畏焉。卒然問曰：「天下惡

乎定？」吾對曰：「定于一。」語去聲，卒七沒反，惡平聲。○語

無威儀也。卒然急遽之貌。蓋容貌辭氣乃德之符，其

外如此，則其中之所存者可知。王問列國分爭天下，

當何所定？孟子對曰：「孰能一之？」王問也。對曰：「不嗜殺人

者能一之。」嗜甘也。孰能與之，王復問也。對曰：「天下莫不

與也。」王知夫苗乎？七八月之間旱，則苗槁矣。天油然

作雲，沛然下雨，則苗浡然興之矣。其如是，孰能禦之？

今夫天下之人牧，未有不嗜殺人者也。如有不嗜殺

孟子讀本 卷一 梁惠王上 八

人者，則天下之民皆引領而望之矣。誠如是也，民歸

之，由水之就下，沛然誰能禦之？夫音扶。沛，音勃。由當

放此。○周七八月，夏五六月也。油然，雲盛貌。沛然，雨

盛貌。浡然，興起貌。禦，禁止也。人牧，謂牧民之君也。德

下悅而歸之。○蘇氏曰：「孟子之言，非苟為大而已然，

不深原其意而詳究其實，未有不以爲迂者矣。子觀

孟子以來，自漢高祖及光武及唐太宗及我太祖，皇

帝能一天下者，四君皆以不嗜殺人致之。其餘殺人

愈多，而天下愈亂。秦晉及隋力能合之，而好殺不已，

故成合而復分，或遂以亡國。○齊宣王問曰：「齊桓晉

文之事可得聞乎？」齊宣王姓田氏，名辟疆，諸侯皆稱

文之事，可得聞乎？齊宣王姓田氏，名辟疆，諸侯皆稱

孟子對曰仲尼之徒無道桓文之事者是以後世無

傳焉臣未之聞也無以則王乎道言也孟子曰仲尼之門五尺童子羞稱

五霸其先許力而後仁義也亦此意也以已通曰

用無已必欲言之而不止也王謂王天下之道曰

德何如則可以王矣曰保民而王莫之能禦也護也

曰若寡人者可以保民乎哉曰可以何由知吾可也

曰臣聞之胡齋曰王坐於堂上有牽牛而過堂下者

王見之曰牛何之對曰將以釁鍾王曰舍之吾不忍

其觶釁若無罪而就死地對曰然則廢釁鍾與曰何

孟子讀本卷一梁惠王上九

可廢也以羊易之不識有諸觶音核舍上聲觶音斛

齊也也釁鍾新鑄鍾成而殺牲取血以塗其釁郤也

觶釁恐懼貌孟子述所聞胡齋之語而問王不知果

事否曰有之曰是心足以王矣百姓皆以王為愛也

臣固知王之不忍也王見牛之觶釁而不忍殺即所謂惻隱之心仁之端也擴而充

之則可以保四海矣故孟子指而言之王曰然誠有

百姓者齊國雖編小吾何愛一牛即不忍其觶釁若

無罪而就死地故以羊易之也言以羊易牛其迹似

者然我之心曰王無異於百姓之以王為愛也以小

易大彼惡知之王若隱其無罪而就死地則牛羊何

擇焉王笑曰是誠何心哉我非愛其財而易之以羊

也宜乎百姓之謂我愛也惡平聲○累怪也隱而也

而死何所分別而以羊易牛乎孟子故設此難欲王

反求而得其本心王不能然故卒無以自解於百姓

之言曰無傷也是乃仁術也見牛未見羊也君子之

於禽獸也見其生不忍見其死聞其聲不忍食其肉

是以君子遠庖廚也遠去聲○無傷言雖有百姓之

殺牛既所不忍釁鍾又不可廢於此無以處之則此

心雖發而終不得施矣然見牛則此心已發而不可

孟子讀本卷一梁惠王上十

過未見羊則其理未形而無所妨故以羊易牛則二

者得以兩全而無害此所以為仁之術也聲謂將死

而哀鳴也蓋人之於禽獸同生而異類故用之以禮

而不忍之心施於見聞之所及其所以必遠庖廚者

亦以預養是心而王說曰詩云他人有心予忖度之

廣為仁之術也夫子之謂也夫我乃行之反而求之不得吾心夫子

言之於我心有戚戚焉此心之所以合於王者何也

說音悅忖七本反度待洛反夫我之夫音扶○詩小

雅巧言之篇戚戚心動貌王因孟子之言而前日之

猶未知所以反其本而推之也曰有復於王者曰吾

力足以舉百鈞而不足以舉一羽明足以察秋毫之

異曰挾太山以超北海語人曰我不能是誠不能也
爲長者折枝語人曰我不能是不爲也非不能也故
王之不王非挾太山以超北海之類也王之不王是
折枝之類也語去聲爲長之爲去聲長上聲折之舌反○形狀也挾以腋持物也超躍而過也爲長者折枝以長者之命折草木之枝言不難也是心固有不待外求擴而充之在我而已何難之有
老吾老以及人之老幼吾幼以及人之幼天下可運
於掌詩云刑于寡妻至于兄弟以御于家邦言舉斯
心加諸彼而已故推恩足以保四海不推恩無以保

十三

必以權度度之而後可見若心之應物則其輕重長短之難齊而不可不度以本然之權度又有甚於物者今王恩及禽獸而功不至於百姓是其愛物之心重且長而仁民之心輕且短失其當然之序而不自知也故上文既發其端抑王與甲兵危士臣構怨於而於此請王度之也

諸侯然後快於心與與平聲○抑發語辭士戰士也以輕且短者必其以是三者爲快也然三事實非人心之所快有甚於殺敵觶之牛者故指以問王欲其以此而王曰否吾何快於是將以求吾所大欲也不於此者心之正也而必爲此者欲誘之也欲之所誘者獨在於是以其心尙明於他而獨暗於此此其愛民之心所以輕短曰王之所大欲可得聞與王笑而功不至於百姓也

而不言曰爲肥甘不足於口與輕煖不足於體與抑爲采色不足視於目與聲音不足聽於耳與便嬖不足使令於前與王之諸臣皆足以供之而王豈爲是哉曰否吾不爲是也曰然則王之所大欲可知已欲辟土地朝秦楚莅中國而撫四夷也以若所爲求若所欲猶緣木而求魚也與平聲爲肥抑爲豈爲不爲之爲皆去聲便令皆平聲辟與開同朝音潮○便嬖近習嬖幸之人也已語助辭辟開廣也朝致其來朝也秦楚皆大國莅臨也若如此也所爲指與兵結怨之王曰若是其甚與曰殆有事緣木求魚言必不可得

孟子讀本

卷一

梁惠王上

三

甚焉緣木求魚雖不得魚無後災以若所爲求若所欲盡心力而爲之後必有災曰可得聞與曰鄰人與楚人戰則王以爲孰勝曰楚人勝曰然則小固不可以敵大寡固不可以敵眾弱固不可以敵彊海內之地方千里者九齊集有其一以一服八何以異於鄰敵楚哉蓋亦反其本矣甚與聞與之與平聲○殆蓋皆發語辭鄰小國楚大國齊集有其一言集合齊地共方千里是有天下九分之一也以一服八必不能勝所謂後災也反本說見下文今王發政施仁使天下仕者皆欲立於王之朝耕

者皆欲耕於王之野商賈皆欲藏於王之市行旅皆欲出於王之塗天下之欲疾其君者皆欲赴愬於王其若是孰能禦之朝音潮賈音古愬與訴同○行貨曰商居貨曰賈發政施仁所以王天下之本也近者悅遠者來則大小彊弱非所論矣蓋力求所欲則所欲者反不可得能反其本則所欲者不求而至王曰吾惛不能進於是矣願夫子輔吾志明以教我我雖不敏請嘗試之惛與昏同曰無恆產而有恆心者惟士爲能若民則無恆產因無恆心苟無恆心放辟邪侈無不爲已及陷於罪然後從而刑之

孟子讀本

卷一

梁惠王上

四

是罔民也焉有仁人在位罔民而可爲也恆胡登反辟與僻同焉於虔反○恆常也產生業也常產可常生之業也常心人所常有之善心也土常學問知義理故雖無常產而有常心民則不能然矣是故明君制民之產罔猶羅網欺其不見而取之也必使仰足以事父母俯足以畜妻子樂歲終身飽凶年免於死亡然後驅而之善故民之從之也輕畜許下同○輕猶易也此言民有常產而有常心也今也制民之產仰不足以事父母俯不足以畜妻子樂歲終身苦凶年不免於死亡此惟救死而恐不贍奚暇治禮義哉治平聲凡治字爲理物之

義者平聲爲已理之義者去聲後皆放此○瞻足也此所謂無常產而無常心者也王欲行之

則盍反其本矣盍何不也使民有常產者又五畝之發政施仁之本也說具下文

宅樹之以桑五十者可以衣帛矣雞豚狗彘之畜無

失其時七十者可以食肉矣百畝之田勿奪其時八

口之家可以無飢矣謹庠序之教申之以孝悌之義

頒白者不負戴於道路矣老者衣帛食肉黎民不飢

不寒然而不王者未之有也音見前章○此言制民之產之法也趙氏曰八

口之家次上農夫也此王政之本常生之道故孟子爲齊梁之君各陳之也楊氏曰爲天下者舉斯心加

孟子讀本卷一 梁惠王上 五

諸彼而已然雖有仁心仁聞而民不被其澤者不行先王之道故也以制民之產告之○此章言人君當黜霸功行王道而王道之要不過推其不忍之心以行不忍之政而已齊王非無此心而奪於功利之私不能擴充以行仁政雖以孟子反覆曉告精切如此而蔽固已深終不能悟是可歎也

孟子讀本卷二

朱子集注

後學施肇曾謹刊

梁惠王章句下凡十六章

莊暴見孟子曰暴見於王王語暴以好樂暴未有以對也曰好樂何如孟子曰王之好樂甚則齊國其庶幾乎見於之見音現下見於同語去聲下同好去聲篇內並同○莊暴齊臣也庶幾近辭也言近於治他日見於王曰王嘗語莊子以好樂有諸王變乎色曰寡人非能好先王之樂也直好世俗之樂耳變色

孟子讀本卷二 梁惠王下

者慚其好之不正也曰王之好樂甚則齊其庶幾乎今之樂猶古之樂也今樂世俗之樂古樂先王之樂曰可得聞與曰獨樂樂與人樂樂孰樂曰不若與人曰與少樂樂與眾樂樂孰樂曰不若與眾聞與之與平聲樂樂下字音洛孰樂亦音洛○獨樂不若與人與少樂不若與眾亦人皆孟子之言也今王鼓樂於此百姓聞王鍾鼓之聲管籥之音舉疾首蹙頰而相告曰吾王之好鼓樂夫何使我至於此極也父子不相見兄弟妻子離散今王田獵於此百姓聞

孟子讀本卷二 梁惠王下

二

王車馬之音見羽旄之美舉疾首蹙頰而相告曰吾王之好田獵夫何使我至於此極也父子不相見兄弟妻子離散此無他不與民同樂也蹙子六反頰音之樂音洛○鍾鼓管籥皆樂器也舉皆也疾首頭痛也蹙聚也頰額也人憂戚則蹙其額極窮也羽旄旌屬不與民同樂謂獨樂其身今王鼓樂於此百姓聞王鍾鼓之聲音管籥之音舉欣欣然有喜色而相告曰吾王庶幾無疾病與何以能田獵也此無他與民同樂也病與之與平聲同樂之樂音洛○與民各得其所也今王與百姓同樂則王矣好樂而能與百姓同樂則天下之民歸之矣所謂齊其庶幾者如此○范氏曰戰國之時民窮財盡人君獨以南面之樂自奉其身孟子切於救民故因齊王之好樂開導其善心深勸其與民同樂而謂今樂猶古樂其實今樂古樂何可同也但與民同樂之意則無古今之異耳若必欲以禮樂治天下當如孔子之言必用韶舞必放鄭聲蓋孔子之言為邦之正道孟子之言救時之急務所以不同楊氏曰樂以和為主使人聞鍾鼓管絃之音而疾首蹙頰則雖奏以威英韶護無補於治也故○齊宣王問曰孟子告齊王以此姑正其本而已